

豐草菴集

二



草菴詩集卷七目錄

登峰編

登峰變 雒陽變 蜀錦變 飛魚變 寶鏡

變 握籌變 畫樹變 采茶變 博山變

雨登靈巖山 重至靈巖呈夫山和尚 遊仙

詩 山行 石馬煙謠 讀列子 懊惱歌

從軍行 昭君詞 王孫遊 續子夜歌 秋

胡行 有所思 放遊 住菴 病中喜西谿

客至 憶張非翁 暮春讀後村落梅詩因賦

一律 秦吉了 蛺蝶花 續夢中句 詠古

劍限韻 曉坐 池上 與人論詩 看園了

理菊 次韻答姚文初 詠懷用韻三首 寄

西谿授經客 非煙頌 水際芙蓉 詠古錢

題畫 紫牡丹 吳興漁人教子謠 夢華

潭雜事 樵兒呈史測因示 懺聽雨 埽石

吟 夢華潭謠 雨謠 鳩喚雨 追記靈巖

禪堂事 病中聞煎茶聲 同竟孚傷持訥翁

述愁 感懷 鼠損璇璣卦圖客爲余補之

是日大雨 與友人雜論律歷聲詩時友人有

種菊新詠因用其韻 再和 讀書曉寒樓上

村居述 秋齋獨坐喜友人忽至 示樵兒

病中 縛帚 讀友人近集 九月朔未兒呈

吟課 落日 夢侯幾道 重九竟孚別去約

冬盡相見先期而至驚喜有作 非翁擬遷潯

上詩以促之 答吳門金孝章 南村秋鬼謠

少時遇海上楊材官說邊事歷歷甲午秋與

竟孚試茗憶一二事 述與西谿客語 閒居

霜曉拈三韻課兒爲唱一首 疊前韻示樵

兒 又疊前韻示耒兒 甲午冬日兒輩集豐

草菴演四聲葉子得登字 復用前韻 兒輩

重集豐草菴 詠四聲葉子分得廿六宥 夜

坐聞空中環佩聲 甲午冬復擬遠遊 雪山

詠 莫履冰



豐草菴詩集卷七

登峰編

吳興董說若雨著

登峰變

甲午

傷易學  
不明也

登日觀峰鷄鳴海豁九點古煙青若黛潑天地轉震圖  
扶桑萬年活堯亦不能栽紂亦不能奪古箋爻者編摩  
今闡易者執戈黃鍾十二雄管譌羈勒飛龍柰爾何

雒陽變

傷周禮  
滅裂也

擬蹋雒陽道慟哭周公臺路遠不可到執卷有餘哀執  
卷餘哀西漢文哀考工補闕稱禮師琵琶玉磬元聲離

元聲離公知之請奠椒漿酒古曲奏哀絲誰明六十司  
空變斜絡義和駕並馳

蜀錦變

傷素問運氣之譌也

拂我蜀錦韜太古無塵筆珍我象齒籤不混甲與乙天  
門蕩蕩馳客車王冰剔燭著僞書

飛魚變

傷擬樂府者不知宗旨也

石不學言魚不學飛豈無石言其言者禩豈無飛魚其  
飛者稀故夏非古夏秋非古秋冬非古冬春非古春日  
躔已在箕三度抵掌衣冠作漢人

寶鏡變

傷七十二歲差之法不傳於世也

我有寶鏡一開闢元年作赤緯歷災限白月千春落東海昨揚塵光芒霧中躍背旋龍馬圖怪篆垂蛟腳摩挲不自置神寶將誰託

握籌變

傷太乙圖式之譌也

握籌炯炯秋鐙綠七十二峰排碧玉水精遷入羽林宮  
其算唐虞古天局

畫樹變

傷六詩不講也

畫樹石者四面取之古風拂千春不可網與縻驅車至  
北邙古冢草離離死者日夜繁杉松動人悲死者不足  
悲哀哉生人冥漠泉下期君看章句客魂魄空爾爲

采茶變

傷六書  
失傳也

采茶祭羽學書宗許羽出茶經萬古醒說文鍾鼎字不  
靈小兒覓梨栗耳畏霹靂飛秋登落雁峰同遊應復稀  
我罪許氏兮俗學譏蒼蒼四海兮行安歸

博山變

傷非煙香法自昔無聞  
使香草不早見於時也

非煙香鍊杉風涼自有天地無此香卻疑銀釜是丹鼎

園中露葉皆飛翔，祇今芳草怨遲暮。冷落千秋空野塘。

右九變鷓鴣生傷心俗學長歌當哭日變者所謂正言之不足也。

### 雨登靈巖山

雲濶浩浩白不可埽，抱樹長歎愁令人老。惜無琴臺疑海中島。

### 重至靈巖呈夫山和尚

空山洗鉢畢，生期吟骨清。羸託護持本，草入禪才是藥。瓣香出袖併緣詩，宗生病恨鑪峰別。杜子心悲布韞遲。家世漁村慣蓑笠，穿雲多是雨來時。

### 遊仙詩

浮雲西北來，中含萬古愁。試逐秋鴻飛，聊爲天上遊。俯

豐詩十  
視雲茫茫聲作江濤流道逢駕鶴賓與子結綢繆塵埃  
不足道學易願深謀震圖及卦律墜地千春秋安得發  
仙藻紅日照齊州

山行

落日射背木葉滑橫挑拄杖懸詩囊海天二月發秋翠  
野廟斷煙生古香洞口楓樹根可坐山腰亭子名難忘  
垂藤松鼠戒孤僻纔遇遊人竄道旁

石馬煙謠

傷煙滿  
江南也

何處飛觴來醉落櫻桃前摩眼指東村新來石馬煙  
花落過千春不識名煙香嗟哉古江南何以爲樂方

繭紙裹絲煙並坐采茶舟漁村乞柳火翠管笑相酬

讀列子

列子湯問篇放言滅輪郭殷帝三寶劍虛空恣揮霍含  
光視無見經物不能著承影竊有聲澹澹物冥漠宵練  
見夜光驕然開脈絡隨過復隨合覺疾刃不赤急承第  
一句天秋海濤躍勿墮二與三電尾空閃鑠所以玄要  
旨古人喻韜略此義如白日箋注垂雲幕文拘正邴章  
報警煩卜度來丹彼厭我波瀾轉加縛張湛留音義夜  
象煩手摸休言厭勝術神異謬驚愕

懊惱歌

姊是大司命攝我神飛翔姊是龍雀刀寸寸斷人腸騎

石鶴心蒼黃打瓦鼓聲不揚遠夢不到秋漏長江南江北天茫茫

從軍行

迎寒製戰袍九月邊霜酷染成五色絲晨繡承紅旭當  
宵結麒麟雙袖飛黃鵠黃鵠萬里心麟閣勳名錄莫以  
紅顏故雄圖自拘束不惜繡芙蓉誠恐攢心曲

昭君詞

雁落天南第幾關胡霜秋冷響刀鏜愁中怨殺秦皇帝  
翻築長城隔漢山

王孫遊

綠樹徧江南歌樓應未覺憑誰玉觴前一唱江南樂



續子夜歌

催買紅綠絲繡得乘鸞女妒他冰雪顏郎求儂未許  
霜月聽驕嘶是歡新買馬馬底得歡心秋風忍儂捨

秋胡行

日晏畏蠶飢使君空爾爲行行望煙舍戚戚樵徑遲上  
堂殘日射側館闢羅幃蠶生綠桑落春至庭草悲夫子  
執英操明月永心期何以諒高素縲成白雪絲道遠不  
可贈王事日以縻豈若狂夫薄黃金桑下持

秋胡行俱  
作決絕語

余獨述采桑歸路  
之詞或小補情事

有所思

我所思乃在明珠之浦翡翠之枝桐花鳳小嶺煙綠茱

豐言一  
荊風寒香雨遲製笛栽修竹弦琴買素絲良人儻惜別  
萬里候光儀入門下馬拂離淚賤妾先歌三豔詞中婦  
吹楊柳小婦唱將雛大婦獨無事看山澹拭眉問妾何  
爲爾相憐匪自私

放遊

胸中那可著南北千古遊人失遊法臥遊道人自開闢  
船頭鎮日帆竿插雲腳東斜風勢高吹落靈巖花岸狹  
山花滿種黃資斗歸路江濤賴渠壓

住菴

得與遠山對何愁伴藥鐺郭公聽鳥語諸葛記花名寺  
近通晨梵漁親學放生石牆圍竹短烏帽露人行

池角幽棲處水聲圍竹房紙依蘋色染筍刻杖痕量密  
諦參龍樹文闌護佛桑行時書一卷回授小童將  
濃藍苔路而砌石學谿冰髮落初縫衲詩寒早類僧說  
將聽雨法傳得看雲鐙應榜隔凡字松南水一層

病中喜西谿客至

擣藥聲應戶外聞相逢訴病不須勤語因乍到端頻改  
鬢憶前來白數分舊社有誰同品水新題曾否擬從軍  
松根細與閒人說明日高帆隔浦雲

憶張非翁

歌勿歌行路難愁勿愁芒屨穿包腰浪跡自愉快兒女  
不如山水賢對面吞聲那可語蜀道不在西南天吳中

高士張夫子睽離十載情纏繇借書不惜手鈔本問疾  
兼憂買藥錢往時寄贈兩吟軸古松流水同澄鮮一人  
知我死無恨且研秋雨終殘年

暮春讀後村落梅詩因賦一律

撲地寒香動客悲茫茫愁緒不勝思江天釣雪維舟處  
村市收鐙蹋蘚時碧水那留前日影瘦驢別續看花詩  
誰圖遲暮飄零樣白月三更只自知

秦吉了

用林霽山韻

前身讀忠經那忍習蠻語自謚曰漢禽結心報貧主死  
共鷓鴣魂雙飛哭秋水

峽蝶花

暖日雙飛野草籬  
滕王圖樣未珍奇  
白團扇子輕相撲  
都恐青蛾作意癡

續夢中句

長柳書難讀  
憑誰問夢因  
遙天驚去客  
缺月慟詩人

二語

得夢中

積水雲終改

時立春後十四日也

揚塵海未眞  
石橋垂老訪

應悟句中身

詠古劍限韻

古淚溼銅花  
風雨夜聞叱  
收斂百世愁  
牀頭伴吟筆  
中有俠士魂  
鐙前呼欲出

曉坐

春夜不曾永  
空齋減睡思  
遠雞殘杵隔  
短燭曉風吹  
愁

至書頻卷寒添幕再垂石闌栽藥未吟客正清羸

池上

只欠玄真艇子拏灘排釣石插竿斜紅魚陣散穿人影  
碧藻絲浮漾墨花一幅水村開別墅四窗煙樹簇浮家  
江鄉聽過杏枝雨隔岸雙樵話采茶

與人論詩

耆舊謝皋羽西臺留哭聲打碎竹如意長慟天爲傾豈  
其吞聲時先辨宮徵名無端一慟哭千載聽深情

看園丁理菊

斷雲飛水村去作卞山雨開門值漁唱春潭緩歸艣筠  
籊閱菊名秀族欺前譜圍瓦插新苗莫遣秋無主

次韻答姚文初

高賢揮麈未親逢，愁對樓西數點峰。  
舊學晚周卑白馬，新圖出震表蒼龍。  
余著易發定出震全圖 蘋洲花落風前艇，漁浦  
春深病後容。肯結煙波人外約，筆牀茶竈定追蹤。

詠懷用前韻三首

瀟湘那復故人逢，深住茅菴當碧峰。  
高柳亂蟬看飲犢，孤村微雨話分龍。  
帚呼灌藥人牢縛，屋算藏書架劣容。  
帖展蘭亭倍惆悵，昭陵繭紙斷遺蹤。

方瞳綠髮夢中逢，倦客心飛島外峰。  
池借研名稱墨海，鹿依仙籍喚斑龍。  
南村松植鱗全老，北渚軒開膝暫容。  
婚嫁繇來誤人事，碧天鴻鵠有高蹤。

半壁殘書鎮日逢故交知隔幾青峰三章茶約頒銀鹿  
一曲花籬護籜龍睡如苦茗回來味病類秋山雨夜容  
杯酒本疏名已置漫憑僧史寄孤蹤

寄西谿授經客

一園綠雨四時秋縱有吟情孰唱酬花落年年思作客  
愁繁日日悔登樓懷人步繞冬青樹得句筒隨春水流  
欲約松陰共殘日高僧詩卷喜新收

時新購  
皎然詩

非煙頌

自製香屑名非  
煙詳非煙香法

檀花細細松鍼柔杉子青磊落之蘋洲香之來輕風流  
是耶非耶研山寂寞不敢收渺然坐我秋江舟白石青



楓盡意遊

水際芙蓉

宜水亦宜秋品曰豔而冷應惱玉顏人畏亂晨妝影

詠古錢

紀年何代號簡史益嗟吁字晦蕤層綠輪銷減舊銖除  
痾隨藥杵壓勝伴桃符借問垂簾客成神事有無

題畫

山迴秋艣長夕風揚老髮浦口堯時雲松梢漢家月

紫牡丹

陸家新譜色絲辭繪出朝天別種奇捧研吟時爭石彩  
揚鞭飛處並騶馳綺裘倚醉唐供奉豔妓呼名杜牧之

用紫綺裘紫雲妓二事

一段落霞誰擬得綠珠碧玉浪題詩

吳興漁人教子謠

洞庭龍挂陣雲起阿二

濁音讀

修罾壓船尾老鯉吹濤菱

葉翻水廟簫聲祭山鬼大兒倒挈魚籃來蘸水畫字雙  
眉開字成上大八與九漁父怒叱聲轟雷試問何從授  
點畫賣魚因學書堂孩兒乎朝釣笠卸弁峰之下暮醉  
落霞碧浪無價西船伯翁大莽鹵爲覓女婿字滿肚我

惜阿因不肯許念書識字尙自可富貴辱人我忍汝

空同

自序其詩謂眞詩乃在民間此言殊有意漁父不許大兒識上大人因及伯翁莽鹵珍重釣船甥館亦大風致

夢華潭雜事

夢華徑仄足蓬蒿帶髮僧披百衲袍醫說秋濤權發藥

客談山鬼補詩騷一篇成佛題黃鶴千首封侯賣寶刀  
怕雜江南古風土園中藤架廢葡萄

樵兒呈史測因示

愁臥谿村心事違江南風雅古音微經傷漢代儒林變  
詩斥唐人應制非印寶西清垂史學船撐白石補荷衣

二事並述家乘

松風不改余身後家祭還來看釣磯

懺聽雨

海靈夜渡茗花浦蹋破吳雲漏春雨采桑謠咽小姑聲  
西嶺茶旗不曾吐雙扉長閉魚鱗天詩癖狂題聽雨箋  
悔來合爪蓮花前石鑪飛出瀟湘煙

埽石吟

命短蒼天長雞鳴海月西無營恣遠賞繇來物理齊木  
葉下秋綠雁天雲滿谿勞勞埽山石無乃風塵稽

夢華潭謠

鷓鴣生貧而嗜書一日遇南宋舊本紙墨  
既繁還書長慟故託爲書賈愁望之聲

夢華潭口石齒齒枯柳身敲拜秋水夢華潭泊鷺書舟  
客望殘陽立柁樓立柁樓見書屋菊籬中人抱書哭

雨謠

前水及後水同背青天馳前雨及後雨滴石不相知并  
刀割水水不離石痕刻雨徒傷悲

鳩喚雨

鳩喚雨鳩喚雨莫向西飛向南浦南浦垂楊鵲新乳西

村女兒采桑苦采桑苦人打汝

追記靈巖禪堂事

疏瓦漏丹楓滿堂秋瑟瑟霜冷戀跣趺香消卷簾出雞  
聲白雲底山市夜中失煙霽閃鐙痕秋湖指漁窟

病中聞煎茶聲

遊目秋山圖瀑布瀉無響飛濤出茶鐙一段江湖想會  
當廢高眠漁路浮煙漿敲火碧蘆叢品水口花上

伺竟孚傷持訥翁

還將阮籍窮途淚滴向故人西雨殘注畢難經余作序  
子孫留當祭文看

述愁

三更抱愁坐卷盡不肯曙淒風吹白拂開門送愁去  
日出南谿東愁在雞聲中日高喧野渡愁在梧桐樹

感懷

鷓鴣十載閱風霜難問當年結客場妄想延齡栽白朮  
時友人從山中寄傷心厄閨撫黃楊幾時合社聽蓮漏  
白朮至種西藥闌若箇分貲構草堂南史牀頭堆一角六朝如夢雨茫茫  
鼠損璇璣卦圖客爲余補之是日大雨

且停劾鼠廢言詮碧紙新裁綴薛錢海內未焚焦氏易  
眼前小補管中天犯到鉤陳彼敢爾忍將宣夜其無傳  
莫愁大漏同西蜀蜀有大漏天小漏天便挽星河復舊躔

與友人雜論律歷聲詩時友人有種菊新詠因

用其韻

詞場蕪沒亂煙叢風雅誰開草昧中繁露祇憂家學墮  
長楊多悔少時工菊綠地隔譜新舊人有歲差詩異同  
留取南村記幽事他年喚作種花翁

再和

村村社鼓響神叢半掩筠扉細雨中水經閑讀采茶候  
月令新添翦菊工朝暮異占徵六典屯蒙不悟負參同  
誰將易發西南去問取峨眉賣醬翁

事見蜀志

讀書曉寒樓上

崎嶇待來哲秋淚研中滴飛盡瀟湘雲葉脫四山寂古  
人不著書當年空戚戚懸心百世下朽骨求良覲

村居述

五嶽聊遊水墨屏  
江陵老去戶長扃  
松風午觸茶煙逆  
蘋葉秋黏釣艇青  
舊集中看故國田  
家識裏證殘經  
賣花人到話新事  
除卻看山總厭聽

秋齋獨坐喜友人忽至

遮壁黃茅亭石田  
署珍跡畫中人  
看瀑霞落半山赤  
無言枉相對緒若秋  
煙積忽聆屐齒音  
雙扉啟松隙

示樵兒病中

不嫌類我瘦崢嶸  
祇莫呻吟損遠情  
花信有風編野歷  
書程積葉記秋更  
細參新夢權趺坐  
閒品晴雲試緩行  
病是傳家箴一字  
藥鑪煙畔定詩評



縛帚

生隔庾元規閒居塵慮損松退古時鱗蕉徙南天本山  
家亦勞瘁及此霜葉晚隔竹杵丁東還將茶臼付

讀友人近集

跋扈風塵中突兀開秋嶽玉露集辭林麈尾秋筵捉參  
空鬱禪藻搜立補仙學古來放言人濁世完其璞

九月朔未兒呈吟課

落翠又霜候詩心應轉奇記將楓路冷采取雁口悲秋  
領四時勝寒爲一字師汝兄吟骨就臥疾口清羸時樵  
兒病甚

落日

斷靄橫煙樹數株家藏舊有水村圖高人筆意眼前景  
不語下樓開畫廚

夢侯幾道

夢闕老沙石路出枯柳腹秋松新家青丙舍相持哭舊  
習墮浮名情話仍洄復才鬼泣江楓霜魂繞書麓

重九竟孚別去約冬盡相見先期而至驚喜有  
作

吟卷壓長袖行衝枯葉陣乍訝雁來遲翻嫌潮有信  
非翁擬遷溥上詩以促之

茗谿古寓公詩筆例高秀先生冰雪文翠與晴峰鬪杯  
擎西隴茶花種秋籬豆余將覓漁路敲門問奇籀

答吳門金孝章

歷落長歌賚草菴十年疏野話堪慙  
畫廚六月抽松雪樹影三更蹋石  
枰短髮免吹黃葉帽文犀未賣辟邪簪  
他時雨笠尋君去浪跡吳閭書自擔

南村秋鬼謠

妖狐拜月霜花青鬪醜騎馬空中行  
秋魂吹作塔鈴語叫斷東流一谿水  
鬼車曉喚精靈去綠鐙移過江楓樹  
少時遇海上楊材官說邊事歷歷甲午秋與竟  
孚試茗憶一二事

雁天鬱律邊雲走竿亞神旛圖北斗  
帳門滿地簇霜花直北風吹寶刀口

述與西谿客語

昨夜立藤陰莽向鬼神說誓因訪梅花永與家人別  
函經老山寺石鼎焚松屑殘山并賸水觸眼盡嗚咽閉目  
萬峰頭一任飛雲滅古來英雄人不惜頸中血苟非爲  
情死那忍相決裂所以離騷經哀豔多急節千秋婉變  
情謬道心如鐵爲君述鬼言老淚不能竭

閒居

異書來眼底乍若故人逢香品賞沈水藤名愛忍冬貪  
吟催染紙畏客廢敲鐘無事坐新雨西峰綠倍濃

霜曉拈三韻課兒爲唱一首

老樹結霜文風西曉雲退秋閒督曝書檐際雙童對愁

詠意茫然悵望秋鴻背

疊前韻示樵兒

雲鱗逐霽生樹綠經秋退詩苑尙窮愁寒無東野對閒  
定擣香方夾注魚經背

又疊前韻示耒兒

名谿定是愚住谷還稱退圖開山海心夢愜仙靈對漁  
社足雲煙秋艣菊花背

甲午冬日兒輩集豐草菴演四聲葉子得登字

曉寒開北牖

曉寒樓名

風厲不可登南檐集穉子寒髮垂鬅

髻牆隅曬新穀屋角露霜層韻牌出祕笈玉葉翦霜綾  
團樂演清賞得失互升降角勝鼓朝氣捷鬪秋天鷹羸

似飛嶺陟輸若敲岸崩松籌列左右童子司勸懲有時  
誤平側十五錯除乘忘衝及失贈衝贈俱牌例名語笑喧相矜  
我是鈍狀元百事拙不能韻牌消短日還其蹋谿冰

復用前韻

隱侯築詩壘繁響不敢登靈均祕未覩俗學空髻髻形  
聲廣奇字不厭網與罾四韻刻楮葉錦籤包鶴綾如彼  
選佛圖九品詫道升亦如古開士戲養馬與鷹草蟲分  
甲乙署額秋雲崩細韻鏤塵沙筆重輒自懲韻牌繪草木蟲魚分  
四部牌額署大字其下分列韻文字極細成佛許靈運從來卑小乘空堂響  
奇句掉首吟自矜生難斷文字兀兀效南能肯容點易

研牢結一池冰

兒輩重集豐草菴

昨日困吟役新歌定嬾諧緩攻五字壘只鬪四聲牌漁  
給蒸香火禽銜試茗柴紙窗團野話真箇隱能偕

詠四聲葉子分得廿六宥

山海榻前圖爾雅披新繡草木及蟲魚珍禽復神獸詩  
催席上聯聲沿江左舊年少蹋詞場結客紛馳驟往昔  
閱輸贏人閒幾翻覆不如茅檐底韻葉看兒鬪

夜坐聞空中環佩聲

冷露溼松鱗天秋佩環響疑是董雙成騎鸞自來往

甲午冬復擬遠遊

清泉石鉢夢中寺細雨斜風江上邨弟子幾人工作賦

莫將哀怨寫招魂

雪山詠

蜀道青天不可攀  
流沙垂涕玉門關  
兒童不道崎嶇苦  
鬧疊檐前雪假山

莫履冰

傷履冰羣  
兒水死也

莫履冰雲消日出履不勝  
蜀道天高猶可凌  
男兒不蹋  
冰山層甲午歲寒月建丑  
斧冰朝汲聲登登吳興昔號  
水晶國歷落霜崖今有徵  
鶴窠灣口村夫子蹙縮書聲  
如凍蠅研枯筆禿學堂散  
風前短髮吹鬚髻出門死  
賭  
淩波戲對岸漁家空撫膺  
天吳紫鳳杳何處竹馬鳩車



見不能莫履冰莫履冰十七小兒同日死化作風霜炤  
夜鐙

豐草菴詩集卷七

皇清

皇清

皇清

皇清

皇清

皇清

皇清

皇清

皇清

皇清

皇清

皇清



豐草菴詩集卷八目錄

臨蘭亭編

臨蘭亭 題趙王孫古松圖 螭子墜 戰城

南 戰城南古辭翼 姊妹花 五月菊 飛

仙國 題畫蘭首三 九巫釋 題張文通先生

古今經傳序略 賣兒行 舟居遙和石樹上

人 伏日示樵耒 紙盡 夢鄉散 秦良玉

詞 西谿客過期不至 迎涼浩歌 述志詩

欵乃曲 秋怨 和玄真漁父詞 麗京賣

藥謠 悲落葉 雁字 竹馬謠 莫愁變

子夜變 采蓮變 四蟲語 弔古檜和張非

翁 水仙花 築石塘 罷市歌 馬雙角

樂府參同契 雨言 反公無渡河 李夫人

後歌

豐草菴詩集卷八

臨蘭亭編

吳興董

說若雨著

臨蘭亭

乙未

傷俗學詩  
文曲擬也

臨蘭亭古人骨已朽魂魄飛揚上天千秋萬歲人生不  
愉樂自雄當須何年南山有鳥與雲俱來銜雲西歸來  
投我懷爲我謂鳥兔絲不可以衣飛雲不可以裁在昔  
起居郎褚遂良撫之縱放天筆良拜稽首欽承天王臣  
不敢陷繩墨胡今之人角巾楓窗摹古自惑永和九年  
歲在癸丑暮春之初後之視今亦猶今之視昔悲夫蘭  
亭繭紙入昭陵吁嗟乎蘭亭

永和九年二十四字余所  
謂借婆帳子拜婆年也

題趙王孫古松圖

王孫畫松天下無  
王孫奈此秋山何  
白石語青松從今  
已往勿復偃蹇青  
雲枝枝高葉布中  
圖畫松乎奈此王  
孫何

蟾子墜

蟾子吐秋絲墜我朝窗東  
晨風隄上來蟾子瑟縮從風  
摧從風摧泣向滄浪之天怨  
飄風怨飄風銜絲屈曲子  
口中

戰城南

戰城南日西落百重黃雲象  
城郭咄嗟飛騎何來中軍  
擊鼓旗門開翡翠裝弓玉爲  
矢人非沙石有情相攜戰

場死人非矯翮飛鴻亦復何能違寒惜死謀身辛苦飛

秋江男兒墮地弧矢射天地四方我甲冑護我我馬負

我我都護撫我男兒不早塗地肝腦結髮持弓瘖死行

伍中忽忽日戴滄浪之天下踐黃土男兒當少壯青絲

絡馬生挾名王莫迫年命衰白日一去無時迴二月細

戰城南經緯音數日兒輩學六朝韻語遂命用齊梁體

擬戰城南余因言擬古有二一擬古樂府題如六朝人

作朱鷺芳樹五言古體是也一擬古樂府音調寫其鏗

鏘之節是也吾儕欲操筆擬古樂府得風雅不墜自當

遠想慨然望見古人情寄不當徒擬其音節鏗鏘且音

亦未易擬也僮父擬古樂府割裂鼓吹補綴清商正如

王孫著假面舞市中自謂拍拍應令兒童婦女大笑之

兒輩詩成未兒偶吟唐人軍敗鼓聲死之句樵兒云詩

歸稱死字甚且疏句下余言死字自佳竟陵著語朽腐

而杜撰非古人意余因復拈死字令各呈句見所長油

鐙淺仄視兒輩詩都不得佳余口占一絕旗紅鬪落霞

甲麗明秋水馬上馬響刀環輕軀爲君死願樵兒筆記之

是夕餘情纏緜枕上復作戰城南一篇擬古意也往子  
錄古山水書畫方外之文目題曰嶺雲集謂只可自怡  
悅耳異日擬古樂府積數十  
篇當別爲一卷移嶺雲名之

### 戰城南古辭翼

戰城南死郭北飛鳥鳴風邊草白仰視飛鳥余心怱怱  
無憎余言勞勞戰場無弔客邊風蕭條落日如血汝且  
集枯柳之脇悲號烏乎戰場茫茫生居無堂戰場沙裂  
死葬無穴君不見截石之冰埋樹之雪戰場之骨不易  
白泣弔須臾爲君食立望河無梁欲渡河無船非河無  
梁客死戰場非河無船客死不還江南野田多悲風稻  
梁滿野愁飛鴻願君加餐億萬年非君之故軀誰捐右  
戰城南古辭取疏本義不繁枝葉蓋注之用韻者耳若  
曰擬古恥同愴父。滄溟集中戰城南曲首云戰城南



走城北轉鬪且行出攻寧爲野鳥食不逐驚馬徘徊蒲葦  
謂我梟騎至是風雅墜地矣又云水深黝黝蒲葦驚鷺磨  
中語惡上大人亦未得在又云鳥亦不自去客亦自不  
士未臨上大人亦未得在又云鳥亦不自去客亦自不  
豪無端無端梁以集鳥子五鳥母六禾黍不食攫腐肉  
願爲忠臣何可覆禾黍七字直是死語傷子良臣良臣  
誠可傷遠道之人枯骨何葬此一十七字讀之令人代  
慚因憶戰城南古辭梁築室何以南梁何北禾黍不獲  
君何食願爲忠臣安可得此一節言橋梁之上築室相  
通則亦何南北之有蓋前言戰城南死郭南北繼陳水深  
杳杳蒲葦冥冥故爲橋梁通濟之語言城南郭北道深  
可無阻艱而客已死矣復代客爲死不忘君之思言我  
死郭北而不得歸則誰獲禾黍以供君食願盡瘁畎畝  
而不可得矣下云思子良臣詩人思死客之良也于鱗  
應未證  
此義

姊妹花

昭陽豔骨憶前生雙笑春風共目成搜得杜陵詩藁子  
水邊三月麗人行

五月菊

江南五月澹如秋  
籬腳風疏菊蕊柔  
喚作辟邪添舊譜  
錯教銷夏動新愁  
畫開紅樹景相借  
笛落梅花調足酬  
白髮心驚霜雁候  
田園從此翦除休

飛仙國

樵兒夢至飛  
仙國甚奇

國號飛仙列水堂  
含煙蓄翠晚山長  
曼卿米老應尋著  
相近芙蓉與眾香

傳家夢癖定仙緣  
此日重翻徵夢篇  
余癸未歲刻  
徵夢篇一幅世間  
真有飛仙國與汝  
同携載月船

題畫蘭二首

涼雨四窗靜懷人水一方墨花浮古綠冰雪動寒香寫  
此當秋佩瀟湘託意長

空山太古泉千歲無人汲寄書與江湖所慕甘幽集人  
生狎車馬風柳難自立應知畫蘭人懷香秋淚溼

虞美人曲傳吳聲虞美人草如有情紅牙乍按美人曲  
美人草動春風生鍾情最苦知音少予將製清商一曲  
搖蘭草

九巫釋

巫更屯蒙朝暮改巫咸降宿辰所在式爲正卦目象海  
正表法程爲卦宰目定形儀露文彩巫易旌旗變軍壘  
兩兩相比巫比解比兼正變貞與悔巫祠神教龍爲楷

飛龍所宮神雨灑巫參終始參相待是謂參伍聯未亥  
巫環策卦環磊磊天地三環測源委春官九巫人未知  
書付樵兒與耒兒

題張文通先生古今經傳序略

讀序略者聽之某世某年月日慎勿疾馳章句加深思  
始皇帝三十四年制可丞相斯非醫藥卜筮種樹之書  
皆燒之皆燒之六經不絕如絲故漢有京房故吳有虞  
翻故熙寧己酉孟冬望日文同有黃氏易圖後題故漳  
熙四年丁酉冬十月戊子序詩集傳新安朱熹春秋善  
惡並書聖如天覆無是非翁作序略師仲尼異同森列  
人自知敬識時日寓所悲

賣兒行

大兒十五勝犁目雙瞽中男九歲西牧豕惜此抱中孤  
兒有過長者教言慎勿答苦孤兒聞之垂涕如雨阿母  
攜兒出門行行前至龍祠吹洞簫打鼓柰何慘毒捨兒  
謂他人父母亂曰孤兒低頭觸屏風坐睡昏昏阿母持  
米出門探懷中米乞與傍舍爲兒市洞庭霜橘纍纍煩  
卿相勸孤兒莫嘸悲度石梁蹋青莎行一二里涕泣復  
來不惜袖中三錢更爲孤兒置一摩睺羅

摩睺羅泥孩兒也見武林

舊事

舟居遙和石樹上人

一任人猜米老舟莫教藤杖閣船頭筆從白鷺飛時點

畫向青山影裏收小住不嫌尋釣侶移家明日換蘋洲  
臥遊寂寂終輸與落葉吟寒客未酬

篷窗挂幅小瞿曇柳岸焚香伴石函僧史他年添浪跡  
黃茅昔日悔營菴眼中天下名山五夢裏廬峰笑客三  
身在雲煙誰得並雒陽休復記伽藍

伏日示樵耒

文章墜地三千年孔門言詩不多許始知久矣詩無傳  
長聲三轉玉衡喪無射黃鍾誰正偏龜茲七調到中國  
四十二字開華嚴分司喉舌強宮羽那知問字滄浪天  
昔表文音歲在酉輟筆亂離書未全參同樂府漫銷夏  
扶起六詩秦漢前世閒擬古愚可憫如呼豨與留離蘭

元聲寥寥在天地少陵昌黎寧棄捐西涯述史亦清絕  
唱歎餘音殊不然言前脫落竟誰是攜汝長嘯吳山巔

紙盡

咄咄書空日又曛鸞箋十樣有誰分妒他韋偃雙松絹  
泥殺羊欣數幅裙魚網悶翻東漢史密香長望海南雲  
三都覆醬從教免且擬王家腹藁文

老悔雕蟲慕太玄江南紙貴稱愁眠百篇斗酒當年事  
尺素相思三歲前沒字秦碑聊記錄無文宗旨任流傳  
西偏擬割栽松地多種甘蔗學緣天

夢鄉散

天無黃道斜七十二候春虹長沒蟬不鳴秋人生百年

無夢遊三萬六千日日日如羈囚王公牧豎定哀樂頭  
白不敢輕封侯夢鄉有仙人雲中十二樓紅顏如海霞  
同唱白榆秋夢鄉樂復樂夢史書未休秣我馬脂我車  
男兒老蹋九州土莫笑婦女懷鄉閩

秦良玉詞

偶讀近人詠女將秦良玉  
詩心鄙其辭遂成一絕

追奔一點繡紅旗夜響刀環匹馬馳製得鏡歌編樂府  
姓名肯入玉臺詩

西谿客過期不至

往昔刻約言不食此迴遠遊心已貪夜來坐到露花滴  
更復望君蓮葉南眼底青天里四五夢中破琴弦十三



相見擬狂言說  
夢故引此二事豆棚放語自清絕莫待霜落分黃柑

迎涼浩歌

王孝孫貧不營家有牛一頭使子將車夜其宿車上歎  
滄海橫流余生長江南彼露車我有漁舟呼樵兒共載  
耒兒狡獪汝迎風打槳牧拂吟牋舫潔茶甌吳越谿山  
恣意遊

述志詩

有黃野人如羅浮中

黃野人葛稚川門弟子

有友許邁如王右軍

如張玄眞漁童樵青如襄陽龐子慕鹿門樂而忘死飛  
神太清歌以言志書爲座銘

欵乃曲

小兒船頭打秋鳧大兒船尾念漁書老翁平生有香癖  
柏子拈炙樹根鑪

秋怨

聞道西洋鏡遙光見千里妾拔鳳頭釵買鏡炤湘水湘  
水炤君行此鏡還贈與君炤千里妾不惜秋風死

和玄真漁父詞

曬網雙雙歇柳磯兩家一樣綠蓑衣君奪角我斜飛隔  
箇船窗碁其圍

麗京賣藥謠

秋日得陸麗京書  
餉余恭壽堂診藉

涼雨吹枯澤涸不能拔擢秋蘭槁麗京賣藥不能起豐

草麗京賣藥三吳豐草抱疾蘋洲翦青松爲籌落梅爲  
點閉門偃蹇排河圖爾爲醫恭壽著書言怪奇我且爲  
卜不敢曰垂簾于蜀可以療飢不相見十年十年相思  
千秋萬歲謂我二人何爲乎

悲落葉

老根爲石高枝碧拂滄浪天風霜無親俾我決絕曠別  
萬年當復柰何首夏扶疏朱綠如帷繁華不自惜往不  
可追根株日已遠時命悽已晚秋風問落葉子去何時  
返

雁字

飄飄莫羨舊銀鉤一幅平沙別樣愁落筆天驚思華嶽

回文峰轉記衡州音傳南國秋搔首篆愛凌雲暮倚樓  
歲晚瀟湘煙似墨短行黯澹句難酬

竹馬謠

蜀之紙可以爲鳶南山之竹可以爲馬吳興兒衣白紵  
小浮圖疊古瓦叱馬馬不行折柳箠苦汝

莫愁變

莫信莫愁名愁是儂所爲莫愁愁復愁儂名儂自疑

子夜變

青青古崖樹負霜立晴月誰疑儂天矯儂自霜晴柏

采蓮變

采蓮乏新聲儂唱采蓮變誰將其命鳥譜作西方豔

四蟲語

蟬語

思邪峰西日墜志士嗟芍藥春風錦障遮

鼠語

卽足卽足卽事消搖人自束雲棲夜半講華嚴講案長  
留待誰續

蠟螭語

似我似我我誰似似太古太古之古無處所

絡緯語

嗟殺嗟殺殺人誠可嗟烏啄戰骨風揚沙殺人可嗟出  
塞入塞鳴絲車

弔古檜和張非翁

空遺鶴骨傲湖濱  
忍逐飄搖陌上塵  
還倚枯根結亭子  
從今野老往來頻

水仙花

尋花艇子忒清憨  
拂拂寒香月滿潭  
積雪未消漁路冷  
肯憐憔悴倚江南

築石塘

築石塘新軍來築塘  
未畢府帖催府帖  
下鄉吏打門南  
村竈冷行西村  
西村十家無一存  
破屋無門僅梁柱  
傳道新軍三日屯  
吏索空村遇樵父  
樵父言卿報府主  
五月不打插秧鼓  
眼中良田半荒土  
築塘攝役添冤苦  
君

莫苦君不見塘岸油衣點簿書朝朝狼籍黃梅雨

罷市歌

罷市罷市新軍西至新軍至齊立馬哥入酒家彼高樓  
著我

將入門下馬紅兜挂壁刀挂戶我飢先陳酒脯兒善飼  
我馬

馬雙角

馬雙角樹生粟鄉里有船官帖捉嗟哉民愚嗟哉爾民  
一何愚不見江防刻日造戰艦幾家墓柏留古株

樂府參同契

奎璧角軫天地門戶五運之鎮化於辰巳開聲爲春發

時爲徵至於成均形而下矣故句第二音端律止短長入攝笙鐘是倚

雨言

巧歷日握籌雨點不可算鄰雞鼓翅鳴愁魂去難喚蒼茫三十餘憂患蝕其半夢作天台僧秋苔月中踐癡逐瀟湘煙南望青無岸嗟哉復嗟哉長夜何時旦

反公無渡河

爲亡友玄趾也亦曰祭王子之樂章北兵至玄趾死玄趾將墜於江致書念臺劉先生日門生已得死所矣書至先生亦自決

牘日門生已得死所師當復柰何劉夫子發書慨然王郎死而念我公無渡河公竟渡河天行之馬必有帶劍



之魚儒衣冠南嚮再拜稽首會稽弟子員臣毓著二祖  
列宗先皇陛下當復柰何哀痛柰何再拜稽首下土章  
句臣著皇天后土鑒之臣著水死渡河而死當柰公何  
嗟今之人孰不戴青天高履黃土

李夫人後歌

魂歸帷開悲歌徘徊靈念予其復來

豐草菴詩集卷八

皇朝詩人

八

皇朝詩人

皇朝詩人

皇朝詩人

皇朝詩人

皇朝詩人

皇朝詩人

豐草菴詩集卷九目錄

雒陽編

雒陽花 諸葛菜 雁來紅 翠雲草 夜落

金錢曲 望江南草 鳳仙曲 曼陀羅 鳳

尾草 二郎廟 百花王 蘆王述 草鞵郎

廣利謠 織女祠 韋蘇州 插花李 花

馬翁 河西傭 補鍋匠 東湖樵 雲門僧

華清招 殿下樹 海上牧羝曲 新豐曲

閬闔開 太古暑 歛九地 夢鄉樂 磨

兜堅 剪紙錢 孟蘭招魂詞 雒陽秋 打

葉子 立部伎 胡旋舞 反行路難 周宣



豐草菴詩集卷九

雒陽編

吳興董說若雨著

雒陽花

乙未

宮門銅駝在荆棘雒陽新  
鬼傷春泣白月悲笳聽不得  
斷腸忍續麗人行空見麝香  
眠石竹魂隨楚雨夢江南  
羅衣夜繡春纖纖

諸葛菜

玉壘愁雲鵲血紫花落幾迴  
桐鳳死惠陵草沒石麒麟  
昭烈陵  
名惠陵八陣圖空咽江水蕪菁  
一握雁門秋葛山打鼓  
祠武侯

雁來紅

玉關榆老飛秦月 炤出千年戰場骨 一聲海雁裂秋峰  
不管倚樓人 白髮霜花夜染珊瑚雲 清商重奏江南春

翠雲草

翠華六月新歌凱 鹵簿南行祭南海 韶石峰頭一片雲  
江北江南青藹藹 鏡歌空唱上之回 三十六宮秋笛哀

夜落金錢曲

谿雨急柳絲垂 出門惘惘何之歸 來入門振衣還視餅  
中有粟錦囊中有詩 一解 餅中有粟囊有詩 吏夜打門

催租黯然銷魂不見顏 清臣舉家食粥數月罄 乏嘸飢

乞米真帖世寶之 二解 世寶之思古貧士貧士誠可思

夜涼獨立露下沾衣誰忽金錢擲地爲錢乎錢乎是耶

非三解

望江南草

桐風吹夢飛秋海  
仰視白榆低可采  
桃花鞦韆蹋瀟湘雲  
倒影蓬山石磊磊  
蟬聲截斷荔枝天  
石闌索索黃金錢

鳳仙曲

天孫祠罷敲花急  
小娥惜花秋淚滴  
紅樓聲亂擣衣砧  
守宮夜滅珊瑚色  
狡獪麻姑鳥爪紅  
幻出丹砂指掌中

曼陀羅

摩多樓子歌聲歇  
摩多樓子古塞上曲  
拈起優曇人不識  
慈氏遙棲兜率宮  
可憐雞足山中客  
眼中香雨曼陀羅  
誰能結

束舞天魔

鳳尾草

四座莫喧聽鳳皇語不見儂五色文章愛儂翠尾

自雒陽花至鳳尾草九首爲草九歌

二郎廟

刺俗淫也故爲期所歡之辭猶園言吳封門內水起小洲土人立二郎神廟祭用白雞吳城輕薄少年結伴狂遊闌入珠翠叢中相隨拜起神了不異也

白雞青酒往祠灌口孃行在前笑儂逐後

儂逐後行孃行在前二郎昭鑒雙心萬年

二郎醉止雙拜奉觴與子並坐涼堂水窗

百花王

蘇州府治卽春申所造相傳爲桃夏宮是也舊志郡園地甚廣前臨池光亭後抵齊雲樓



唐時木蘭堂在祠圃之西圃中有土地神祠號曰百花大王宋淳熙中韓彥古欲毀不果嘉定中重建今雖廢而民間尚有祠百花大王者

圃通齊雲接池光西日照耀木蘭堂芳樹司命百花王  
招魂續魄千和香鬱金蘇合調都梁祓除邪穢年命長

### 蘆王述

譏承虛聲也一曰破蘆王詞

仁宗朝緹騎千侯孫表奉使琉球道白石磯秋風蘆荻  
滿洲指一鉅蘆拔類無儔可稱蘆王一解伐鼓舟行蘆

乃自王雲帆高張長男剪紙作錢髻奴揮霍屠猪羊二

解海上人依洲結廟黑螭抱棟魚鱗堂孫侯畢使來歸

茲我昔日戲言入門大笑神茫茫三解憶昔嵩山破竈

墮聖從何合靈何繇憶昔嵩山破竈墮聖從何合靈何

繇四解蘆王一朝失宮殿侍衛去棲蜃樓不見石幢海

雲長流五解

### 草鞵郎

杭有草鞵三郎廟伍伯之屬家祭戶享

百年如客敬奉君芒屨一兩大夢若脫

咄咄伍伯男兒不自閱歷冬春胡爲惻惻自煎迫

寄聲三郎贈余青鞵雲門若耶

### 廣利謠

風也廣利王廟香火盛於嶺南廟中積貯刻契借人如世間子母錢

廣利王雖明神仁不及孟嘗君孟嘗家有馮驩廣利會

計子錢

織女祠

崑山縣東三十六里有黃姑渡渡口有祠曰黃姑廟今隸嘉定昔有牽牛織女二星降神其地織女以金釵劃水水溢俗遂稱百沸河立廟水上每歲七月七日土女盛集賽神乞巧各施繡鞵錦囊輦帆流蘇之屬先拂神額後挂帳前纍纍不絕

織女廟前秋渡涼竹枝一聲人斷腸畫船窈窕珠翠香柳風吹帶蛾眉長紅玉闌干壓水堂燭花射眼珊瑚光流蘇五采雲錦囊女兒鍼絕嬌無雙繡成藕渚文鴛鴦鳳幃金鎖鉤杏梁阿姊乞巧儂拜旁擘香欲言聲半藏喚郎小名私祝郎神靈驅使思故鄉

章蘇州

豐言九  
韋刺史應物死爲吳神廟在蘇州府學有土  
人夜居學之西廡見韋公著大冠絳袍車騎  
人馬旌幢繖蓋並從韋公祠  
前大椿樹上冉冉騰空而去

韋蘇州山空無人霜葉滿寶幢雲馬何時返

韋蘇州山情水性詩骨寒安能局促爲神官

### 插花李

常熟致道觀舊有梁朝七檜觀西廊李王廟  
最靈異昔觀門火發忽見火光中官舫數十  
蔽空而下篙師水手殆及百餘並挽天河中  
水以滅烈燄隱隱聞風濤之聲隊仗旌旗繽  
紛照耀而擁黃蓋著白袍立於舟首者驚是  
插花李王頃之火息明月視神梁所挂數十  
小舟苔沾荇漬土偶皆汗  
李王本長興李烈士也

插花李古觀風秋山葉紫七星檜老風雷痕鶴骨龍筋  
神未死插花感激少年場烈士飛揚心不已觀門騰火

朱霞起靈官提劍天門來鬼工鬪挽天河水明日空梁  
落蘋蘩

花馬翁

神賣菱吳閩擔夫爭道而水死也故託爲采  
菱之詩猶園云蘇城花筵中以插花馬公爲  
五郎部下傷官巫祝稱爲馬福總管俗呼爲  
馬阿公別置矮席先祭享之恩恩送去然後  
登歌相傳馬阿公者葑門人以賣鮮菱爲業  
每晨擔菱出閩門經過山塘宋相公廟首擇  
一雙爲供暮年與人爭擔不勝登減渡橋自  
投於水適宋相公神舟過橋下收帳前驅使  
吳俗凡互衡市肆者龕事於  
家以昔嘗爲擔夫又名福也

插花馬阿翁聽我采菱歌菱角刺儂心菱殼斷腸紅

采菱復采蓮儂不識蓮葉呼作碧玉盤

怪風黑雨山塘道左歡攜儂去相公廟口

采菱花馬翁雙菱餉相公神舟收部下只念渚菱紅

自二郎廟至花馬翁爲野廟九歌。野廟迎神小巫詞穢暑日閱獮園感雜祀九事歌以紀之

### 河西傭

河西傭人不識朱夏毒日冬雨雪葛衣一領不肯脫葛衣雖裂忍與絕新衣雖樂不如我葛葛衣裹骨死不歸勿葬我棺當風揚灰

### 補鍋匠

補鍋補鍋天西南一角我以爲家爲汝補鍋爲汝補鍋酒我食我勿與我錢我無家有錢則那教汝補鍋教汝補鍋我今蜀人不可不語蜀劍路天高五丁鑿教汝補鍋教汝補鍋汝慎勿疑補青天者女媧嗟乎汝慎勿疑

補青天者女媧

東湖樵

鷓子飛雲中遙赤鯉魚谿口跳武王據商維邑南海神  
來朝壬午秋新皇帝登極詔下溺死東湖樵

雲門僧

若耶谿賣薪二束吟若耶若耶谿上畫谿沙雲門寺筆  
囊茶具隨童子詩成童子低吟爾雲門僧雲門僧若耶  
有樵知未曾同時有若耶樵夫

自河西傭至雲門  
僧爲建文臣四歌

華清招

巫執神旛作神語要入華清召天子不惜紅巾託大招

遙見聖人雲閣裏偃月堂虛滅華燭死授揚州大都督  
李林甫扶疾從幸華清宮數日增劇巫言一見聖人差  
減帝欲視之左右諫止乃敕林甫出於庭中上登降聖  
閣遙視舉紅巾招慰之林甫不能興使人代拜於席翌  
日國忠自蜀還調林甫拜於牀下林甫垂涕託以後事  
尋卒贈太尉揚州大都督余讀李西涯腹中劍一篇爲  
林甫也腹中劍中自操一日不試中怒號構仇結怨身  
焉逃一夜十徙甘爲勞生無遺憂死餘恨恨不作七十  
二豕藏山坳命題旣遠古雅詩亦麤直故更其詞作華  
招清

### 殿下樹

殿下樹繞樹翔行其下其下聊可駐右衛將軍上獻諛  
辭異香氤氳色參差止止我思魏徵思魏徵言遠佞人  
佞人之遠誠可思佞人何人卿自知唐太宗嘗止殿下  
樹愛之右衛將軍  
字文士及從而譽之不巳帝正色曰魏徵嘗勸我遠佞  
人我不知佞人謂誰意疑是汝今果不謬西涯作譽樹



行云莫愛庭前樹一譽百譽隨向非諫臣言不知佞者  
誰不知尚自可不去安用知甘言終幸憐逆耳先防辱  
那將君王樹不及太尉足殊  
似史斷余更其辭作殿下樹

### 海上牧羝曲

海風蕭蕭吹墮節毛牧羝祝羝羝不乳生不願衛律見  
羝可與語

子卿足下聽陵一言汝羝來前汝陵勿言

### 新豐曲

季乎偃蹇爲天子屠販少年安用此鬪雞賣餅蹴鞠場

千秋萬歲魂魄思歸故鄉  
太上爲天子父慘懷不樂思舊豐屠販故人此千古曠士

懷也西涯語涉暴露余補其意作此

自華清招至新豐曲別西涯樂府

閻闔開

一曰祀天神新曲悲下土也爲天神俯哀之音

太一下閻闔開雙龍夾車從雲中來悲哉中野崎嶇泰  
華嵩衡五點青苔黃河如絲人物死生今古夫奚爲帝  
告巫陽汝馳下土招魂歸來

太古暑

一曰笙詩

赤日經天毒九野逢逢澤雲曷來蔭我白移過樹煙耶  
人耶

欵九地

一曰饗鬼之詩亦曰鼓曲

欵九地僕本恨人竊覽觀五帝三王周秦紀載自司馬  
遷次第古史帝王本紀世家列傳年表漢晉已下文苑  
墨林是爲史例甲子庚申累數十年月日聚斂章句辭  
六七行而已悉哀哉勉事地下主唐虞何在鏡三千年  
之所逝

自閩闔開至欵九  
地爲雅聲三歌

### 夢鄉樂

雲邪青浮山帶匡廬耶彼何摩青霞而馳駕鶴之賓邪  
斑龍車邪折瑤華邪近邪遠邪天垂四野翠無涯誰嗜  
愁苦思還家

### 磨兜堅

磨兜堅慎勿言雕龍炙轂聖煩冤帝遣呂政驅除難白  
彗夜埽文昌前嶽雲收盡滄海乾燒書已後一千年諸  
儒不悟箋注繁孰領太古默思玄

翦紙錢

當薤露歌哀世  
死生錢辦也

翦紙錢蹙紙山金作响嘍銀華山願君金魂玉魄相隨  
世世萬年

孟蘭招魂詞

靈風飄幢塔鈴語小玉魂歸立秋渚只言夜蹋陽臺雲  
蒼茫乍隔青楓雨擁髻來看水鏡綠法王正奏無生曲

雒陽秋

庭中瞿麥歷秋餘花晚豔憶樂天秋游詩何事古今詩句裏不曾說著雒陽秋因用其意

此賦

孟郊心向龍泉說

東野詩欲識丈夫心曾將孤劍說

磁斗繁花射秋髮

紅樹青山別樣春壯心不爲風霜歇一聲漁笛水如煙  
相約看花白雁天

### 打葉子

葉子格始於唐同昌公主爲葉子戲集今其遺意也

打葉子帝子筵開廣化里

同昌里名

夜光珠轉琉璃盤僧祁

捧立堂如水同昌第冷寒螿哭南唐金葉誰編續

南唐宮中

有金葉子格

闈房雅戲墮秋煙空鬪宋江三十六

### 立部伎

唐立部伎絕無性  
識者退入雅樂

綫髮垂垂動城舞假面哢噪雕獸耳巧綴毛衣弄獅子  
秉拂崑崙疾風雨秦王破陣慷慨聲揮戈執戟銀甲明  
聖壽字舞十六變寶祚彌昌諛太平立部伎撼川谷立  
部不中操雅樂

### 胡旋舞

天寶閒西國所獻樂天徵之  
並譏旋舞余別其意作此

胡旋舞胡旋舞胡旋舞兮能悟主江湖競注野馬飄鼓  
古今天地皆旋舞天寶開元一刹那譜得風輪獻天子

### 反行路難

淮南王鍊藥得仙雞鳴天上犬吠雲閒東方騎馬吉雲

野繞日三市暮入關九州小不足步五嶽局促羞往還  
男兒拔劍辭家風浩浩勿惜青天劍門道

### 周宣靈王詞

傷冤難明也周宣靈王廟在徽州休寧靈異甚著蘇州寶林寺旁舊亦有祠萬曆辛丑休寧少年與鄰婦通夜半夫至惶急拔婦銀簪齧之被髮狂叫躍去突入周宣靈王廟忽失所在明日而銀簪在神鬢也神爲無賴所免昭雪無地遂見形於蘇州寶林寺中重新廟貌而休寧禱祠無應矣

泰山松柏相隨而行入於海樓十二層豕翼而飛結藤爲龍耳馳日趨怪怪奇奇謂曾參殺人謂孔墨奔車

謂日月照下土日有食之謂靈祇執天刑書賞善災淫

周宣靈王鬱鬱陷網羅

夢遊仙清角引

藥珠玉簡紫霞文翠水層池徑間津紅篆一函開鳥跡  
高座頑仙讀未真吟碧落悟天根雲表翻書逐字新人  
閒四部才華儉空廢丹砂研露點千年城郭幾迴更海  
塵飛盡秋霞斂余製此曲用蕤賓角爲摩天之音凡合  
二均起清角入南離轉入北方閒調此  
夢仙之元聲也不得純用飛揚亦不得  
純用幽沈高山流水世未必無其賞也



豐草菴詩集卷十目錄

洞庭雨編

洞庭雨呈靈巖和尚 韋馱杵 陳蒲鞵 大

小空 大慧爪 古錢囊 平涼志 倚松吟

入滅去 冬青飯 雪彌勒 石麒麟 亂

石子 冰釵 臘月扇 甘蔗屑 走馬鐙

舊書韜 紙燭 雪球 紙錢灰 古廟香鑪

送菴中掃花奴

謝安在野

謝安

在野

謝安

在野

謝安

在野

謝安

在野

謝安

在野

謝安

在野

謝安

謝安

在野

謝安

在野

謝安

在野

謝安

謝安

在野

謝安

在野

謝安

在野

謝安

謝安

在野

謝安

在野

謝安

在野

謝安

謝安

在野

謝安

在野

謝安

在野

謝安

謝安

在野

謝安

在野

謝安

在野

謝安

豐草菴詩集卷十

洞庭雨編

吳興董

說若雨著

洞庭雨

呈靈巖和尚乙未

靈峰干仞門外俗子未敢妄役松煙虛空布  
彩惟是玄潛十年點易結習難忘私心實願  
祓除不祥重澄河洛屢蒙和尚垂問寶鑑難  
逃往讀和尚扇頭一偈有間將一幅洞庭雨  
挂向山房遠更宜之句輒  
不自量賦洞庭雨一篇

一幅山房洞庭雨白石青松柘枝舞文章道喪及千年

袖裏靈山香一炷鷓鴣點易營環堵古今成名笑羣豎

批抹龍圖心莽鹵相對婆娑兩枯樹漢武已來繁冊府

換象抽爻立規矩眼光誰透秦灰前冷落羲皇塗毒鼓

虞翻夢裏強吞爻易苑春風鬧鸚鵡祖述焦京六甲飛

錯遣張顛摹响嘍奎歷開文五星聚儒林恨缺飛龍譜  
南北空爭先後天那知出震分賓主雒水明珠四十五  
殺機用九威音祖無首羣龍十二辰黃鍾夷則輪宮羽  
風雨雷霆彈指閒擊碎須彌無寸土泣抱遺經思小補  
忍復雷同隸前古悲吟未向知音吐大鑿堂高聆玉塵

韋馱杵

海鹽德藏寺在縣北五十里元時寺中樵汲  
僧真諦性若慧駭而恪守戒律國師楊璉真  
伽來寓寺中聲音欲發天女等墓意別有屬  
也及楊下令果及雲間陸左丞愛女朱提舉  
夫人二墓真諦聞之怒形於色眾僧懼致禍  
苦爲陰勸及楊五鼓肩輿發眾出寺真諦忽  
起抽韋馱木杵奮擊楊命捨之時眾雖數百  
皆披蕩不能拒傷者凡百餘人真諦於眾中  
超躍每踰尋丈若隼撇虎騰飛捷非人力可  
到一時鐙炬皆滅擾耒插皆爲段壞楊大

懼謂是韋馱神威遂不敢往發鼓柁率眾而去亦不敢問此僧也後二年真諦行脚峨眉不知所往

楓青雨黑嘒妖鵬繁花古墳剔鐙綠總統楊髡翻地軸  
搖動東南天一角妖魂癡夢玉鉤斜天女冢前邊馬蹴  
金鳧翅鼓思朝飛隧路雞鳴見華燭韋馱木杵無端捉  
虎騰騰擊天魔伏飛揚俠骨梵王宮亂撲鐙光風謾謾  
珠襦不碎秦庭玉峨眉老放看山目

### 陳蒲鞵

道明睦州人俗姓陳入開元寺爲僧契法於黃檗禪師常自織草屨鬻以養親及施行路者黃巢兵壓境郡人洵懼明告以勿憂爲大草屨令標之三十里外木杪巢見之卽舍去郡人益尊禮之宋元符中賜號悟空禪師

包腰遠蹋千山雨幾箇酬恩念慈乳膝下依依短髮僧  
汲水開元身織屨織屨承歡端不惡樵路春風分客著  
黑雲壓城秋鬼哭分沒波濤委蛟鰐蒲鞵挂樹黃巢卻  
始悟微長在行腳

大小空

裴休訪潭州善覺禪師問有侍者否曰有一  
兩箇乃喚大空小空忽二虎自菴後出師曰  
有客且去

大空小空山骨峭香火清緣忘踔跳室中無以資歡笑  
媷媚風前鬪秋嘯不羨羅浮黃野人安用漁童秋捧釣  
他年死骨隨他噍逍搖肯受青蠅弔

大慧爪

大慧禪師二十四歲居湛堂侍者寮一日侍  
次湛堂視師指爪云想東司頭籌子不是汝  
洗師卽承訓交代黃龍忠道者作淨頭九月  
終身不養爪甲纔長一菽不剪湛堂和尚便  
於手指  
上出現

東司籌子霜皚皚歷落寒風縐香海桑下曾無三宿留  
覺王要翦情花蕾翦爪無工秋骨改湛堂死布虛空彩

### 古錢囊

黃葉村漁家小兒布囊貯古錢或赤如丹砂  
或青如翠羽森森奇字誇示人人不識也余  
喜其古癖爲作古錢  
囊助秋風牧唱也

儂蹋繩鞵汝跨犢杖頭一串苔花綠訪徧洞天三十六  
中有飛仙兩方目能識古文蟲瑟縮盡倒青囊夜深讀  
古帝編年轉秋轂醉拍玉闌干一哭歸來青草池頭牧

與汝栽松補漁屋有古先生在天竺

平涼志

賈人持平涼志八冊余倒  
餅中栗易之作平涼志

明朝食粥那須計傾餅換得平涼志平涼要害古邊州  
難著書生閒習氣錦心繡口一字無只載古來豪傑事  
可藍山邊戎馬地赫連曾展秋鷹翅蒙恬蹟指鶉觚城  
會盟壇想貞元置誰人得似韓招討屹然身蔽蕭關道

倚松吟

菴中埽花奴一旦棄我而去草屋單丁雪珠  
破壁景象蕭然昔饒德操與其僕視髮爲僧  
德操僧名如璧僕名如琳德操自號倚松道  
人嘗勸呂紫薇學道詩云好貸夜窗三十刻  
胡牀趺坐究幡風因作倚松  
吟歎古今人相去之遠也



倚松道人陽九厄夜失如琳賸如璧竹簾朝卷撲霜花  
大小二空曾未獲洗研焚香且自勤孤坐夜窗三十刻  
肯寫癡禪勤紫薇死究風幡有何益

### 入滅去

文潞公鎮北京魏府老洞華嚴來謁別文潞  
公曰法師老矣復何往對曰入滅去潞公笑  
謂其戲語歸與子弟言其道韻深穩談笑有  
味非常僧也使入候之果入滅矣歎異久之  
及閣維親往視火以琉璃瓶置座前祝曰佛  
法果靈願舍利填吾瓶言畢煙自空而降布  
入瓶中煙滅如所願潞公自  
是竭誠內典恨知之暮也

入滅去琉璃瓶滿煙消處平生整頓喫茶時肯重潞公  
陪戲語出格高流金石辭幾人談笑知風味磨兜堅慎  
勿言浩浩叢林苦浪傳

冬青飯

夢古貌僧授冬青飯法復贈冬青葉一握如  
翡翠綠因憶謝翱冬青樹引遠想慨然作冬  
青飯

珠玕夜築蒼梧溼淚簇冬青古花碧春風畫院萬年枝  
九泉泣抱蛟龍石冬青舊曲斷人腸晞髮集堆塵一尺  
一把琅玕夢中勸洞天不憶胡麻飯

雪彌勒

布袋無錢袖手閒天衣一色絕斑斕乍疑慧可安心日  
莫認瞿曇苦行山橘刻琉璃拈舊夢松撐樓閣護慈顏  
若爲歲暮風霜後賒得癡猷冷放頑

石麒麟

休言五采舊形模松柏秋風對野狐豈有玉書煩繡紱

麟吐玉書於闕里人家

誰憐血淚灑青梧

西京雜記青梧觀前石麒麟

微在以繡紱繫鱗角

麟二枚刻其肋爲文字是秦始皇驪山墓上物也東邊者前左腳折折處有赤如血父老謂其有神皆含血屬

筋徐陵早歲高僧記元狩初年瑞應圖莫共銅駝怨荆

棘河清留上太平符

### 亂石子

樵路崎嶇帶葉鋪幾迴秋澗憶檇蒲花前磊落仙人飯  
腳底峻嶒五嶽圖孫楚齒含苔翠漱初平羊立釣灘呼  
他年化作干峰去誰念看雲杖影孤

### 冰釵

無復千金索價難莫將麗玉錯傳看白瑤宮裏仙裝潔

姑射山頭寶髻寒，舊夢腸迴金孔雀。離愁敲斷石闌干，  
若教出塞明君戴青冢，春風滴未殘。

臘月扇

隴首雲秋早，自傷那堪歲暮。不知藏飛揚，燒葉松風鼎。  
冷落尋梅骨，董箱火鳳歌聲。分曲豔天台，雲影稱心涼。  
休題往日班姬怨，紉素留將撲曉霜。

甘蔗屑

炙冷尊殘過雁哀，樵僮閒埽舊亭臺。封侯敢並餘甘氏，  
退隱還同落葉堆。燕子樓空春寂寞，長安花盡客歸來。  
令人轉憶南州果，苦諫森森味獨迴。

走馬鐙

眼底周王八駿馳雲中雙鳳未全奇行空騎客家何處  
逐日神人影不離新英雄記千迴看古戰場文宛轉悲  
借問龍潭吹燭後燄輪曾有一絲移

舊書韜

韜俗作套

莫是空函客誤齋傷心短笈日沈西篆留耆舊高人印  
墨染收藏故國題魏家妓老閒銅雀吳苑兵殘擲水犀  
我亦無家任飄泊遺書誰爲弔羈棲

紙燭

半幅霞箋月黑將那須吹滅證心涼誰家書具光明種  
幾處鐙傳翰墨場劫火一星愁呂政蜃膏五色憶同昌

同昌公主有香蠟燭  
煙成五色蜃膏所成

燃他李杜文章橐舊燄重看萬丈

長

雪珠

洞珠滴翠碧鱗鱗折贈瑤華跡已陳南海同憐鮫室淚  
石家難換墜樓人招涼號擬寒山質記事光非紺色珍  
客振青絲聲歷落卻疑楚履侍春申

紙錢灰

鬼市蕭蕭竄野狐夜臺李白酒難沽堆成漢武昆明樣  
吹作滕王蛺蝶圖水祠冷落鴉聲亂古冢婆娑樹影枯  
白馬采蝦人去後春風不遣九泉蘇

古廟香鑪

向江寂寂斷飄煙日炙風吹若箇憐過客漫拈山骨句

霜天長伴死灰禪光分釣艇一星火冷貯秋霖幾寸泉  
菌蠢莫同枯樹賦耳旁還刻盛明年

送菴中埽花奴

十年埽葉伴孤吟落落身隨斷雁音豈有券文愁便了  
忍看壞衲卸如琳梅根曉放誰家鶴馬尾秋肩別院琴  
他日樵青雙隱處夢迴夙昔愛才心

琴草詩集卷十

出日... 琴... 詩... 集... 卷... 十

十... 中... 琴... 詩... 集... 卷... 十

面... 琴... 詩... 集... 卷... 十

誰... 琴... 詩... 集... 卷... 十

琴草詩集



豐草菴詩集卷十一目錄

鬪韻牌編

除夕鬪韻牌分得交梢庖三韻 剪燭限掌爽

網三韻 前題又限答衲拉三韻 元旦同樵

兒輩分得貪甘慙三韻 前題復得籤尖隘三

韻 前題又得膠包貓三韻 啜茶分得根痕

昏三韻 菜羹限涌種恐三韻 前題復用未

兒誦俸供三韻 腹痛限腹六粥三韻 前題

自和 正月四日同兒輩茶話限陣覺印閏四

韻 論詩復用前韻 前題自和 兒輩各和

余詩復用前韻 翦爪復用前韻 卽事復拈

釁印二韻 復和前韻 詠橄欖限匹謚慄覓

四韻 前題復得哭卜戮牘四韻 前題復用

樵兒撞巷降戇四韻 前題復用牧兒呪漱繡

廢四韻 前題復用耒兒貢鞞痛鳳四韻 前

題復用友人拜快壞戒四韻 雪中促友人險

韻詩限雪滅鐵訣四韻 自和前韻 再和前

韻 詠竹根彌勒限蘭扁輦癩四韻 前題自

和 前題復用樵兒鈕韭白酉四韻 前題復

用耒兒診繫蚓隼四韻 前題用牧兒趙天小

沼四韻 穀日復雪再理雪韻寄友人并索竹

根彌勒詩 前題自和 磨鏡限太外貝繪四

韻 前題用樵兒鳳簍饗夢四韻 前題用牧

兒澹暫啖探四韻 詠火樹限韻 前題復用

樵兒韻 前題用友人韻 前題用牧兒韻

前題用耒兒韻 前題用舫兒韻 前題再用

友人韻 前題三用友人韻 前題再用牧兒

韻 詠四聲葉子限韻 前題自和 詠琵琶

葉 夜坐限孔桶董總四韻 立春日讀宗鏡

錄限韻 前題自和 梅花禁體限韻 前題

和友人韻 前題用樵兒韻 前題用牧兒韻

前題用耒兒韻 前題再用耒兒韻 鴛鴦

粟限韻 詠虞美人草限韻 前題自和 前

題用未兒韻 前題用友人韻 前題用樵兒  
韻 草履限孔桶籠總四韻 詹伯玉 上元  
日詠琉璃鐙 前題用樵兒韻 春日感懷限  
韻 前題用樵兒韻 前題用牧兒韻 前題  
用未兒韻 前題用舫兒韻 前題重用未兒  
韻 隔年歷創四言律體限一東 前題用樵  
兒韻 詠玉鱗茶四言律限五微 題鬪韻牌  
編二律限韻示樵未

豐草菴詩集卷十一

鬪韻牌編

吳興董說若雨著

除夕鬪韻牌分得交梢庖三韻

乙未  
丙申

韻戲山家占新聲爆竹交團欒孤燭外突兀五言梢從  
來蔬筍味難入大官庖

剪燭限掌爽網三韻

漁屋漾如舟苔牋小於掌泛茗祭新詩短燄搖神爽燭  
淚桃花紅疑是珊瑚網

前題又限答衲拉三韻

更長少孤唱韻險難乍答人寒類鳥巢屋補如僧衲吟  
立盡鐙輝釣侶明朝拉

元旦同樵兒輩分得貪甘慙三韻

丙申

病延家世癖吟遂夙生貪評史小班馬談天陋石甘鷓  
鴒亭子就篆版定詩慙

前題復得籤尖匳三韻

凍雀戮花蠹飢童數菊籤口逢覃韻閉筍指畫脾尖吟  
斷撥灰坐伴余棊兩匳

前題又得膠包貓三韻

燭銷吟筆走雲合暮天膠梅種仍拈臘山名每憶包欲  
驗夜何許花闌喚睡貓

啜茶分得根痕昏三韻

筆牀安水畔畫軸展楓根免將油具手污著墨山痕最

憶僧寮夜吹鐙缺月昏

菜羹限涌種恐三韻

鷗夷放帆葉湖峰碧如涌回首越山寒魂銷大夫種所以灌園人藿食神無恐

前題復用末兒誦俸供三韻

閒除酒政頒老廢魚經誦清真助研田雋永添僧俸繡得小金仙山蔬翦秋供

腹痛限腹六粥三韻

呻吟屈身首如坐枯樹腹虛心誦五千詩災逢百六休攢蓮社眉勉食顏家粥

前題自和

玉柄擲牀頭霜毫離研腹去日一萬餘夢遊三十六難  
分白石餐聊問防風粥

正月四日同兒輩茶話限陣覺印閨四韻

辭編玉露珠坐學秋鴻陣博山海水環銀葉龍涎覺葬  
骨梅花林傳家東觀印只愁枯木禪詩厄黃楊閨

論詩復用前韻

飛韻學奇兵圍鑪合圓陣方摧北地旗愁開竟陵覺玄  
言野鹿聽藻句仙靈印詩統正吳興相期斥偏閨

前題自和

竹葉作詩籌茶煙入雲陣風琴落葉參石磬清泉覺禽  
書啄木符鞅記尋梅印早覓藕花秧暑避今年閨



兒輩各和余詩復用前韻

句成賀凱旋韻酷多逃陣名山醉畫禪妙謔挑詩覺童  
慙學主吟女穉求兄印擬將雜體編聊作歲寒閨

乙未冬盡

有歲寒吟一卷亦日洞庭雨編

翦爪復用前韻

不羨通眉生嘔心營筆陣閒憶麻姑鞭端思湛堂覺畫  
展左手王書拈枝指印爪事儻徵奇二客歸餘閨

卽事復拈覺印二韻

遊屐逐花荒詞鋒襲禪覺緩聲詩裏聞雁跡潭中印

復和前韻

彈碁竹下盟鬪草春風覺銅槃借漢鐙獸鈕珍秦印

詠橄欖限匹謚慄覓四韻

功推藥石倚色許琅玕匹滑異東方生高參皇甫謚雋  
句報眉攢登峰償股慄從來晚節香多向羶危覓

前題復得哭卜戮牘四韻

甘苦路無歧何必楊朱哭蘇卿轍定迴楚客居休卜玄  
賞慕餘香愚忠忌冤戮諫果錫嘉名南州廣秋牘

前題復用樵兒撞巷降戇四韻

鴻門獻玉斗亞父拔劍撞孺子不足謀楚纍歸永巷虞  
歌泣未終魯爵封新降清雋惜餘甘應思老臣戇

前題復用牧兒呪漱繡屨四韻

南威字未行橄欖名如呪閒呼玉洗盛試汲珍泉漱銳

末抵鍼芒青章類苔繡澀如困鹽車甘若飛天廐

前題復用末兒貢鞞痛鳳四韻

艱比讀商盤澀同披禹貢亦似蜀道難苦將良馬鞞深夜味初迴甘言絕須痛竹實寧易求留渠飼青鳳

前題復用友人拜快壞戒四韻

杜鵑古帝魂曾下詩人拜低頭禮諫果雪鬪新詩快苦調各聲吞衲衣同色壞話將無味參綺語頒新戒

雪中促友人險韻詩限雪滅鐵訣四韻

曾聞雨催詩安得詩停雪況復文字禪無傷甘露滅

洪覺

範自號

甘露滅漁具和天隨竹枝翻老鐵傳筆笑哄堂余家辟

寒訣

自和前韻

玉葉四聲分杉窗鬪晴雪韻散學飛觴思枯鄰入滅瑣  
欲注蟲魚苛如判鹽鐵也思渡谿橋驢背求詩訣

再和前韻

門掩聽寒鐘沈愁三日雪祇憂佳客蹤也逐谿煙滅凍  
筆穎飛霜枯梅枝屈鐵相期石鼎聯因復商茶訣

詠竹根彌勒限繭扁輦癡四韻

臃腫斲秋根神肥類重繭

陶隱居云點掣短則法  
臃腫點掣長則法離斲袒學

瘦尊偏形刻螺書扁

崔融碑曰龍畫旁分  
螺書扁刻言禹書也珊珊瓊骨人

白衣陪帝輦

李泌瓊子骨  
白衣陪輦

視此笨鈍軀

多墨笨鈍亦  
陶隱居語愁

如嬰疥癬

前題自和

俊逸賞蘭亭難購昭陵繭或評鍾元常隸鈍微傷扁補  
處太憇生肥重不可輦寧知竹像癯鳥爪爬秋癬

前題復用樵兒鈕韭曰酉四韻

偃蹇寫癡禪屈如盤虎鈕膝尙剔秋苔背可攢堯韭苜蓿

堯韭一名堯韭清供屑水沈丁東敲玉白料伊空洞腹藏書齊小

酉

前題復用耒兒診繁蚓隼四韻

竹胎雕混沌眉目難細診苔龕笑口開風雪忘淒繁衣  
縐集秋塵座蹙紫春蚓持比摩喉羅誰能剖鸞隼

前題用牧兒趙天小沼四韻

木文憶指南傷心天下趙稽首苦節尊願爲有情天齊  
州煙點青五嶽圖形小孤笑發瀟湘棲神藕花沼

穀日復雪再理雪韻寄友人并索竹根彌勒詩

孤樹兩童子誰蹋豐草雪詩留天地閒藁紙不須滅閒

張畫中琴一幅蕤賓鐵

余家有蕤  
賓鐵琴圖

妙指幾人傳來話無

絃訣

前題自和

野老畫春風殘若松枝雪谿村斷往來寒鐙鬼吹滅韻  
牌新染藤吟券難銷鐵借問草堂人誰授逃詩訣

磨鏡限太外貝繪四韻

清炤鬱金堂絲毫分少太形單滿月中思落秋砧外海

獸繞重輪珍銘像奇具當年齋具人高風在圖繪

前題用樵兒鳳煉甕夢四韻

團扇畫秦樓仙娥騎白鳳今來鏡裏看皓齒梨花凍  
旃檀寫梵龕碧玉雕香甕一段巫山煙風吹度雲夢

前題用牧兒澹暫啖探四韻

磨洗秦灰餘休嗟生活澹人間易別離轉首千年暫卦  
氣雜焦京陽秋迷趙啖誰開古鏡塵章句思重探

詠火樹限韻

變滅難徵種樹經藥闌不用護花鈴雨香欲鬪諸天戲  
海市誰刊異草銘贈去不堪隨遠信折來難與插銅餅  
武夷再唱人間曲瞥眼空哀俗骨腥

蘇東坡前題復用樵兒韻

誰道星橋句不祧金絲吹動小蠻腰詩拈蜀郡搖銀海  
畫憶唐人布雪蕉鐙市棚前隨走馬檣蒲局畔借鳴梟  
老生見異司空慣定把災祥記木妖

蘇東坡前題用友人韻

豔奪東陵五色瓜紅妝遊艇夜深拏落梅似聽樓中笛  
繡菊疑分內樣紗人簇看場圓蟻陣檐飄花雨誤蜂衙  
凝眸最是尊前妓錯著檀槽卻手琶

蘇東坡前題用牧兒韻

柳未垂絲菊未秧幻如楚雨夢高唐有誰皎並臨風樹  
莫是花生眯目糠不勞秋杵飄金粟便帶瑤華折米囊



閒指參星鏡月爛會看弧矢向天狼

前題用耒兒韻

幻因總似虎形鹽吐火三更誤漏籤細柳也愁江上杜  
空花難召畫師閻隸事詭思標瑞葉題詩豔稱入香奩  
眼中摩竭元宵戲室利光分滿月占

前題用舫兒韻

金樹遙分雁塔光火輪燄裏種清涼詩人雅謔銀花合  
楚客餐英落菊黃擁髻秋燈談錦帳淋鈴蜀雨哭香囊  
繁華自古無根蒂贏得葳蕤夢一場

前題再用友人韻

仙緣勿訝棗如瓜香撲春燈杳莫拏幻色重遊分筆夢

看花如隔護窗紗，飛成粟雨兼錢雨。排得槐衙，復柳衙。  
野老倦看因肺病，藥鑪霜葉煮琵琶。  
枇杷古通琵琶，所謂名同樂器是也。

詳六書徵

前題三用友人韻

髣髴銀河指瓠瓜，浮名瞥眼任紛拏。宛教天女散花雨，  
似對高僧賦浣紗。光分萬丈李杜燄，麗遣千年屈宋衙。  
山谷詩：屈宋可作衙。預借春風鬪紅藥，肯將雙耳戀箏琶。

山谷詩：洗盡箏琶耳。

前題再用牧兒韻

休輕癩祭列魚秧，綺麗詩如讀晚唐。搖落樓頭疑折柳，  
簸揚箕口類占糠。先春訝擊催花鼓，炤夜渾傾古錦囊。

轉換形家方位眼九宮難復遁貪狼

詠四聲葉子限韻

兒女圍鐙角贈穿

關四聲葉子法有贈有穿

拈來送屋怕東先海南

異物烏絲繡江左風流碧玉牋洪武韻書誰敢戲

牌用沈約

韻宣和牌譜待重編輸贏只關詩多少那省山房日似

年

前題自和

鬪韻難如九曲穿恰同碁子慣輸先催成繡虎雕龍技

小就蟲魚草木箋

余近著蟲魚箋草木箋二種

石鼎聯分詩裏畫非

煙譜合枕中編聲牙壓句教兒和甲子旁題缺紀年

詠琵琶葉

風吹碧葉玉鏘然樂器同名舊譜傳野老怕聽新羽調  
無心催上四條絃

夜坐限孔桶董總四韻

昔聞蔥嶺中人行魚脊孔要學象骨師悟心如脫桶騷  
音析苗苗裔之苗本廟字古作廡雅字分萬董不如課圓覺癡比

髮初總

余兒時讀圓覺經

立春日讀宗鏡錄限韻

韻如漢將飛奇兵雪中角凍手喚誰呵玉塵寧暇捉譬  
若稻梁謀夜領羣雛獨腳憶香巖子覺成母殼香巖獨腳

頌有子覺母殼語

祖葉慕南宗密諦荒西學情緣徹底空如將

蕉綠剝休持白團扇蝴蝶夢中撲霜晴對宗鏡影炤鬚

眉確

前題自和

震旦一丸泥在天東南角人如狂李白江月醉同捉宗  
乘試舉揚草深無剝啄頗似邊州民愈瘡懸蟹殼少見  
多所怪侏離安俗學西天建赤旛鬪義如筍剝六朝尋  
舊譯繡字春花撲誰拈物不遷論比前人確

梅花禁體限韻

欲賽梅花神野曲聊迎送燒英入博山落瓣宜茶甕有  
時撲玉缸香寒酒偏中黃茅縛水亭苔枝借爲棟潭影  
射橫斜相對禪心空勝日清涼林雜華催夜諷整止讀  
離騷獨飲不須痛故事憶歐陽雪戰傳詩闕

前題和友人韻

折得水邊枝擬作高人賻誰能範黃金還把夷齊鑄閉  
門夢鄧尉遠如花石戍蜀中有花石戍病負寒香期非緣畢婚  
娶死學吳仲圭墓石題明故銘旌寫梅花蓋棺三尺布  
丙舍集寒枝種樹不妨募只愁歌薤時更遣千秋妒

前題用樵兒韻

竹有醫俗名梅亦除塵簪若教賈島知采作新詩祭西  
塞綠蓑人雨釣桃花鱖不如繞屋梅香海無漁稅勁枝  
龍爪拏字如評鶴瘞古澹敵清言輔嗣易略例偏宜讀  
水經夾注休嫌細寄言郭橐駝推尊號花帝

前題用牧兒韻

擬作梅花經滑稽參筆卦

宇文材  
著筆卦

苦琢冰霜文如著囚

飲械招魂被塵垢使君無癘疥清絕冠江南僕願焚香  
拜譬讀燕世家歲除逼亡噲香陣破風霜卷翮猶未綴  
也貪構輞川寒林圍鹿柴不知玄墓旁誰有青山賣

前題用耒兒韻

風非弘景聽樹異稽康鍛頗如飛白書醉筆繁點竄渡

頭吟石船祖德編家諺

石船見先人吹景集  
余家渡口名梅花渡

豈獨桃花

源不知前有漢擬將萼綠華補入離騷亂寒敵孟郊詩  
愁鳴如水鶴誰記凌波仙籬落珍香蒜只愁東閣吟無  
聲學吞炭

前題再用耒兒韻

寒芒逼劍花如出，千將鍛應迷。白鶴藏未容，玄鹿竄何當。參星夕重理，杏花諺如上。李陵臺霜天，愁望漢苦憐。籬落枝新霽，光凌亂田家。學五行晴雨，占鳴鶴魂飛。風雪中人靜，垂簾赫厄會。弔梅災花事，同塗炭。

鴛鴦栗限韻

箕山異種合歡文，贄展春閨意倍殷。孤客拾來愁日暮，哀猿采得哭離羣。雙聲格破詩筵禁，共命胎疑藕國分。尊俎夜闌思漢將，陣名空話戚家軍。戚少保繼光制鴛鴦陣

詠虞美人草限韻

翠釜珍峰出紫駝，麗人三月影婆娑。名隨楚帳歌中馬，鼓聽新聲拍後鼉。玉露比垂河滿淚，錦雲如市柘枝鞞。



盧肇柘枝舞賦 一曲斷腸花歷亂妖姬不用舞天魔  
韓瑞錦如雲市

前題自和

雒陽荆棘臥銅駝漢苑淒涼冷馭娑空憶烏騅飛血淚  
錯教紅袖醉鳴鼉斷腸楚調翻歌扇垂手春風試舞鞞  
贏得紅牙千古恨酒魔惹得又詩魔

前題用末兒韻

莫遣湘衡亂細辛

杜衡亂細辛見魏文帝詩

藥闌誰記斷腸人肯飛

巫峽襄王雨宛戴蓮花道士巾

李白詩吳江女道士頭帶蓮花巾

香分

北渚歌中豔曲借江南死後春一簇愁紅傳別恨崔徽  
何必自圖真

前題用友人韻

斜陽如炤帳中燈紅葉搖風玉一層四面歌聲新涕淚  
八千子弟舊軒騰自憐死節驕平仲吳都賦木有平仲君遷欲懺  
情緣傍聖僧楊梅一名聖僧莫道無心偏草木卻同老鶴憶堯  
崩

前題用樵兒韻

古戰場空滿目蒿霜鐘永夜泣蒲牢風前楚舞飄羅袖  
夢裏軍裝帶寶刀花史節應貞女諡繡牀樣稱侍兒袍  
若教招得芳魂醒項紀重將史筆操

草履限孔桶籠總四韻

江左墜風騷憂來移帶孔詩誰續浣花易少傳籬桶文  
錦製著囊青藤編藥籠隨身一鞞鞵五嶽憑銓總

詹伯玉

江南爆竹有名詹伯玉者聲容  
雙秀戲成一絕命樵兒和之

詹家玉質立斜暉  
瓊骨神仙霧縠衣  
字借衛籛因底事  
喚醒四十九年非

上元日詠琉璃鐙

詩斷元宵疊韻筒  
續鐙新讀兩函終  
光分晉椀書千卷

晉潘尼琉璃椀賦

清壓秦牆地一弓

大秦國以琉璃爲牆  
西域法以畝爲一弓隔岸

釣船修夜網寒江  
鬼火逗青楓  
禰衡傳裏漁陽  
摻借和街頭鼓數通

前題用樵兒韻

兀兀空懸字裏鍼

字有垂露懸鍼

閉門冷似賦愁霖  
傳成僧寶

千秋鑑

張九齡進千秋鑑

覺得偷心雪夜揜

吳元濟藜杖識圖

文訂卯

劉向外傳上元夜人皆遊賞向獨在家觀書太

老人著黃衣植青藜杖叩閣而進向請問姓名云我是

太乙之精主天帝圖識天帝聞卯金之子有博學者下

而觀焉卯金之卯楓天神式將移王上元甲子正月十

字當作卯古酉字宮不是禪龕太清徹周伯仁謂琉璃華鐙錯認辟寒金

春日感懷限韻

鹿山曾撲鳥飛爻

乙酉將移家鹿山渡記神官袖裏貓

鹿山有貓兒渡山默取太常鐘號啞隱思焚上叟名聲

神吳虎官遺跡也號聲叟宗風何日傳雞足浪跡今年定虎跑清水靈珠

如覺得濁河不用苦投膠

前題用樵兒韻

江左風流事已譌，那堪寶馬憶盤陀。  
書悲吳郡人投井，技讓西川客補鍋。  
夢裏舞筵翻破陣，詩中鐵甲擣朝那。  
死灰不解紅裙醉，閒殺瀟湘六幅拖。

前題用牧兒韻

歷亂松鍼與菌玕，藥闌雜似五侯鯖。  
仙經祇憶郭家葬，

郭璞著  
葬經

野史愁開岳氏程

岳珂作  
程史

鬪韻喜臨花雨檻，賣

文思坐水窗，舫鵝羣鹿脯多拋卻。  
帖愛來禽字不脛。

前題用耒兒韻

江南煙雨隔衡巫，永日哀呼學祭雩。  
句愛苔紋書側理，蓑尋漁樣織夫須。  
客來鬪韻同腰瘦，兒勸吟詩似腹腴。

結客少年題儻擬茗杯，合罰鷓鴣輸

余家以苦茗爲詩  
罰鷓鴣生余自稱

也

前題用舫兒韻

狂拈秃管擊茶甌成佛虛同選格散鹽豔音誰攷阿鵲  
堅鞭字未定磨兜孤兒行豈塞牖舍石鼎序無高結喉  
少年磊落鄙章句老向蟲魚爾雅搜

詩歸誤讀孤兒行  
塞牖句高結喉則

東坡詩  
誤也

前題重用舫兒韻

韻牌戲罰綠濤甌創意重鐫擲卦骰詩草亂堆藏藥籠  
梅花斜插看山兜柳家樣做書多骨水調歌成字轉喉  
言出狂夫依傍少客來一任枕中搜

隔年歷創四言律體限一東

葬筆冢裏同秋夢中祭思舊臘式改新楓往日無短寒  
山轉空誰能翦燭快讀一通

前題用樵兒韻

如荷樵斧與碁仙逢白石未爛寒雲幾重西風敗葉殘  
夢晨鐘警禱雨後泥人土龍

詠玉鱗茶四言律限五微

空山斜月寂寂寒飛白石危負清言澹依翠葉如荇晴  
霜滿扉誰翦玉茗以代采薇

題鬪韻牌編二律限韻示樵耒

詩似參玄絕百非悟如逃子乍知歸養成泉石煙霞癖  
脫卻天吳紫鳳衣石鼎共兒聯菌蠢錦圖課女念璇璣

竹枝詩譜田園話纔了祈蠶穀又祈  
綺語於今昧昨非卻如征客老忘歸賦心未厭吟添鉢  
詩法應思受祖衣葬骨只須耕筆研賣文幾箇識珠璣  
來生不識字殊樂共向樓中繡佛祈

豐草菴詩集卷十二